



# KAABKE TSWJ NTEEG TUAG

Tsi muaj ib lub sijhawm kws tug ntseeg ntshaw kev hlub hab kev paab ntawm pawgntseeg hab xwbfbw tshaaj le thaum nwg ntsib kev txomnyem kev plujtuag. Yogle ntawd, thaum muaj ib tug tswvcuab taag simneej lawm, Rooj Txwjlaug hab xwbfbw yuav tau nrug yim tswvcuab ntawd saablaaj txug dlejnum ntawm lub nteeg hab kev txhawbzug rua tsev xyomcuab. Nuav yog tug qauv ua nteeg plujtuag rua tug ntseeg nyob rua pawgntseeg Hmong American Alliance Church.

## I. KEV TXHAWBZUG (*Funeral Services*)

A. **Kev Txhawbzug (*Funeral Services*):** Pawgntseeg yuav paab tsev xyomcuab ua lub nteeg rua tug tau taag simneej lawd rua qhov tsimnyog. Kev txhawbzug lossis *funeral services* yuav muaj le 3 rua 5 zag nyob ntawm tsev xyomcuab pumzoo. Pivtxwv tas yog lub nteeg muab tso rua weekend ces kev txhawbzug (*funeral services*) yuav zoo le nuav:

- Friday 1 zag (**Feem ntau tsi pib nub Friday lawm**)
- Saturday 1 los 2 zag, nyob ntawm tsev xyomcuab nyam
- Sunday 1 zag
- Monday 1 zag, hab 1 zag uantej faus tug tuag tom tojntxaas.

## B. PAWGNTSEEG HAB XWBFBW TEG DLEJNUM

1. Xwbfbw yog tug npaaj Vaajtswv txujlug npligsab hab nrhav lwmtug xwbfbw tuaj paab muab Vaajtswv txujlug npligsab rua tsev xyomcuab.
2. Xwbfbw yog tug ua kevcai zais uantej faus tug tuag.
3. Pawgntseeg yuav paab tsev xyomcuab npaaj dlaim komtswj rua lub nteeg yog tas tsev xyomcuab xaav kuas pawgntseeg npaaj. Raug nqe lecaag los xyomcuab maam them.
4. Pawgntseeg yuav npaaj kuas muaj tug ntaus suab nkauj.
5. Pawgntseeg yuav npaaj kuas muaj khoom suab nrov (sound system) hab tug qheb suab yog tas tsev xyomcuab xaav kuas pawgntseeg npaaj.
6. Pawgntseeg yuav moog thov Vaajtswv rua tsev xyomcuab tom tsev uantej lub nteeg lawvle tsev xyomcuab hab pawgntseeg thaam hum.

## C. QHEB HAB KAW KEV TXHAWBZUG (FUNERAL SERVICES)

1. Rooj Txwjlaug yog cov qheb hab xaus lub nteeg.
2. Txhua mo Rooj Txwjlaug yuav thov Vaajtswv kaw thaum 10:00 lossis 11:00 PM.

---

***HMONG AMERICAN ALLIANCE CHURCH***

2515 Maplewood Drive, Maplewood, MN 55109 (651) 770-8099

## II. HAUVDLEJ HAUVNUM

Txhua tug tswvcuab yog ib tsevneeg ntawm pawgntseeg. Yogle ntawd, yog muaj tug taag simneej, pawgntseeg yuav leg txhua yaam hauvdlej hauvnum xwsle teev huvqaab nuav:

1. **Kaavxwm:** Kaavxwm 2 leeg, tsev xyomcuab 1 leeg hab pawgntseeg 1 leeg lossis nyob ntawm Rooj Txwjlaug hab tsev xyomcuab saablaaj pumzoo.
2. **Kev nojhaus.** Tug txwjlaug kws saib kev noj tsi qaab nyob tsi zoo yuav khaiv tswvcuab moog paab tsev xyomcuab npaaj kev nojhaus. **(Tsi xaav pub ua tshaaj peb (3) yaam zaub rua pluag mov).** Yog yim tswvcuab xaav tas ca nwg cov kwvtij paab ibtxha dlejnium nualos pawgntseeg yuav nrug nreg hauvdlej hauvnum lawvle Rooj Txwjlaug hab tsev xyomcuab saablaaj hum.
3. **Txais tshaavntuj hab teev ntaub ntawv:** Tsev xyomcuab yuav tau npaaj tuabneeg txais tshaavntuj, teev nyaj tshaavntuj, hab uatsaug tshaavntuj. Tabsis yog tsev xyomcuab tsi muaj tubteg txaus hab xaav kuas pawgntseeg paab los pawgntseeg yuav khaiv tuabneeg paab.

## III. KEV PAAB TSHAAVNTUJ RUA TSEV XYOMCUAB

1. Pawgntseeg yuav sau ib zag nyaj tshaavntuj huv pawgntseeg paab tsev xyomcuab. Txawm yog thaum tsev tuabneeg muaj kev plujuag tshaaj ib leeg tuab lub sijhawm los pawgntseeg tsuas sau ib zag tshaavntuj huv pawgntseeg paab yim tswvcuab ntawd xwb.
2. Pawgntseeg yuav nquahu tswvcuab paab nyaj tshaavntuj lawvle puab muaj cuabkaav paab tau.
3. Tug taag simneej yuavtsum yog tswvcuab txhaj tau kev paab nyaj tshaavntuj ntawm pawgntseeg.

## IV. KEV TXWV

Vaajtswv txujlug qha tas tug ntseeg Vaajtswv lawm yuavtsum ua lub neej rua Vaajtswv ibleeg tau koob tau meej. Vim le nuav, peb cov kws ntseeg Vaajtswv lawm yuavtsum tso txhua yaam kaabke kws yog Moob txuj qub kevcai rua kev plujuag tseg. Yog le ntawd, pawgntseeg txhaj txwv ntau yaam xwsle teev huvqaab nuav (including but not limited to those listed below):

1. Tsi pub muaj qaij kaus,
2. Tsi pub nqug rooj,
3. Tsi pub txheeb nujnqes,
4. Tsi pub siv dlejcaw,
5. Tsi pub muaj hauvqhua,
6. Tsi pub tshawb tug tuag,
7. Tsi pub dlawj kaugnav,
8. Tsi pub txav khaubdluag,
9. Tsi pub ntim su,
10. Tsi pub muab nyaj tu moo,
11. Tsi pub muab tug ntxuag, tshwj ob tug Kaavxwm,
12. Tsi pub pe (Txummyim uatsaug tau),
13. Tsi pub muab noobncoos,
14. Tsi pub hlawv xyaab hlawv ntawv,
15. Tsi pub qheb dlhau mo,
16. Tsi pub has lug rua tug tuag,
17. Tsi pub ua phaib lossis lwmyaam kev uasi hab kev twvtxaj, hab

---

***HMONG AMERICAN ALLIANCE CHURCH***

2515 Maplewood Drive, Maplewood, MN 55109 (651) 770-8099

18. Tsi pub ua lwmyaam kws cuamtshuam Vaajtswv Txujlug hab pawgntseeg le kevcai.

## V. NQUAHU

1. Yog xyomcuab siv cov xwbfbw huv pawgntseeg (paid pastoral staff) xwb ces tsi taag muab dlejsab rua, tabsis yog xyomcuab siv lwm tug xwbfbw, xyomcuab yuav tau muab dlejsab rua.
2. Nquahu xyomcuab tsi xob nrhav memtoj (loojmem).

## VI. XYOMCUAB LE DLEJNUM

1. Hu kwvtij, neejtsaa, hab tej txheebze tuaj hlub hab saib tug tuag. Yog tsev xyomcuab xaav kuas pawgntseeg paab hu los Rooj Txwjlaug maam khaij tejtug paub qaabhau nrug hu.
2. Nrhav tuabneeg moog tua tsaj. Yog tsev xyomcuab xaav kuas pawgntseeg paab nrhav tuabneeg moog paab tua tsaj, tsev xyomcuab yuavtau nrug Rooj Txwjlaug lossis tug txwjlaug kws saib rua kev plujtuag thaam.
3. Npaaj dlej haus, khoom txomncauj, hab kev nojhaus lawvle tsev xyomcuab muaj cuabkaav npaaj tau.
4. Nrhav cov hu nkauj txhawbzig tshwjxeeb. Yog tsev xyomcuab muaj nkauj txhawbzig tshwjxeeb, tsev xyomcuab yuav tau qha rua Rooj Txwjlaug tug kws npaaj komtswj hab yuav tau muab teev rua phoo komtswj. Yog tsi teev rua huv phoo komtswj, Rooj Txwjlaug yuav tsi tso cai rua hu. Yog tsev xyomcuab tsi muaj nkauj txhawbzig tshwjxeeb, pawgntseeg yuav npaaj nkauj txhawbzig le cheemtsam.
5. Them txhua yaam nujnqes ntawm lub nteeg.

## VII. PAWGNTSEEG KEV TSWJFWM

Txhua tug tswvcuab kws tau suam npe rua pawgntseeg dlaim ntawv coglug (Membership Covenant) tas yuav fwm pawgntseeg kev tswjfw m hab coj lawvle pawgntseeg Kevcai Lijchoj Ntxiv, hab yuav ua lub neej lawvle Vaajtswv Txujlug qha, yuav tsi ua nteeg plujtuag le yaav taaglug kws tsi tau ntseeg Vaajtswv. Tsaab Kaabke Tswj Nteeg Tuag nuav yog tug qauv rua pawgntseeg coj. Yog le ntawd, txhua tug tswvcuab yuavtsum coj lawvle tsaab kaabke nuav. Rooj Txwjlaug muaj cai qhuabntuag tsev xyomcuab kws tsi coj le tsaab Kaabke Tswj Nteeg Tuag nuav, yog tas:

1. Tsev xyomcuab twg hlaa tsaab Kaabke Tswj Nteeg Tuag nuav, Rooj Txwjlaug yuav cheem. Yog tsev xyomcuab tsi coj lawvle Rooj Txwjlaug cheem, pawgntseeg yuav thim kev paabcuam hab tseem yuav raug kev qhuabntuag ntawm Rooj Txwjlaug, hab
2. Tsev xyomcuab twg tsi kaam coj lawvle tsaab Kaabke Tswj Nteeg Tuag nuav, pawgntseeg yuav tsi paab dlejnum hab nyaj tshaavntuj lawvle teev muaj nyob Phaaj III sau nuav, tsi tso cai rua cov xwbfbw npaaj kev qhuabqha txhawbzig rua tsev xyomcuab, hab tseem yuav raug kev qhuabntuag ntawm Rooj Txwjlaug.

---

***HMONG AMERICAN ALLIANCE CHURCH***

2515 Maplewood Drive, Maplewood, MN 55109 (651) 770-8099

**VIII. TSEV XYOMCUAB KEV TXAVTXIM SAB.**

Kuv, \_\_\_\_\_, yog tsev xyomcuab lossis tug sawvcev tsev xyomcuab, tau nyeem pawgntseeg tsaab Kaabke Tswj Nteeg Tuag hab tau nruj Rooj Txwjlaug hab xwbfbw saablaaj ntsigtxug dlejnwm ntawm lub nteeg. Yog le ntawd, tsev xyomcuab tau txavtxim sab coj lawvle tsaab Kaabke Tswj Nteeg Tuag nuav.

\_\_\_\_\_  
Tsev Xyomcuab lossis Tug Sawvcev Tsev Xyomcuab

\_\_\_\_\_  
Nubtim

\_\_\_\_\_  
Thawj Txwjlaug lossis Txwjlaug Saib Kev Plujtuag

\_\_\_\_\_  
Nubtim

**Additional Information:**

Tug tswvcuab kws ncaim nplajteb lub npe: \_\_\_\_\_

Nub yug nwg: \_\_\_\_/\_\_\_\_/\_\_\_\_. Nub nwg ncaim: \_\_\_\_/\_\_\_\_/\_\_\_\_

Nub ua lub nteeg (*funeral*): Pib \_\_\_\_/\_\_\_\_/\_\_\_\_. Xaus \_\_\_\_/\_\_\_\_/\_\_\_\_

Tug *contact person* npe hab xuvtooj: \_\_\_\_\_

Tug kws *church* yuav sau check rua -- *payable to* \_\_\_\_\_

Tug Txwjlaug saib nteeg tuag: \_\_\_\_\_ Tel: \_\_\_\_\_

*Edition 2017.*

## **Lug Taw Qha Txug Tswvcuab (Definition of Membership)**

### **Tswvcuab:**

1. Yog tug kws pawgntseeg tau leeg txais lug ua tswvcuab lawm lawvle C&MA Kevcai Lijchoj hab pawgntseeg tsaab Kevcai Lijchoj Ntxiv, Phaaj III Tswvcuab (Article III Membership), Nqai 1-5, tseem muaj npe ua tswvcuab rua pawgntseeg, hab tuaj pehawm Vaajtswv tsi tuncua lawvle Kevcai Lijchoj Ntxiv, Phaaj III, Nqai 5, Feem 3.
2. Yog tug kws muaj npe ua tswvcuab, tabsis koom tsi tau nrug pawgntseeg pehawm Vaajtswv vim:
  - A. Nwg yog tubrog hab raug dlejnum moog nyob txawv nroog lossis txawv tebchaws lawm,
  - B. Nwg moog ua Vaajtswv dlejnum rua txawv tebchaws lawm,
  - C. Nwg moog kawm ntawv nyob kevdleb lawm,
  - D. Nwg raug nwg lub company xaa moog ua dlejnum ibntus rua kevdleb lossis txawv tebchaws,
  - E. Nwg kev mobnkeeg ua rua tuaj tsi tau, lossis
  - F. Muaj lwmyaam dlejnum tseemceeb kws nwg tugkheej yuavtsum tau moog nyob ibntus rua kevdleb lawm lawvle Kevcai Lijchoj Ntxiv, Phaaj III, Nqai 5, Feem 4A & B hab Feem 5B2.

### **Tug Tsi Yog Tswvcuab:**

Yog tug kws pawgntseeg tsi tau leeg txais ua tswvcuab lawvle pawgntseeg tsaab Kevcai Lijchoj Ntxiv, Phaaj III Tswvcuab, Nqai 5A-K, txawmyog tug kws pawgntseeg moog lawbdlaab tshab rua, txawmyog tug kws tub muab ntawv ua tswvcuab rua pawgntseeg (submitted New Membership Application) lawm, lossis txawmyog nwg tub raug ntxiv npe rua ib yim tswvcuab twg lawm, yog pawgntseeg tsi tau txais nwg ua tswvcuab ces nwg tsi yog pawgntseeg le tswvcuab.

### **Kev Paab Rua Tug Tsi Tau Yog Tswvcuab**

Tug kws tub muab npe ua tswvcuab rua pawgntseeg (submitted New Membership Application) lawvle pawgntseeg tsaab Kevcai Lijchoj Ntxiv, Phaaj III Tswvcuab, Nqai 5, Feem 1A-C lawm hab yog nwg lossis nwg tsev tuabneeg tuaj nrug pawgntseeg pehawm Vaajtswv tsi tuncua, koomteg rua dlejnum huv pawgntseeg, hab paab nyajtxag rua Vaajtswv dlejnum lawvle Vaajtswv Txujlug qha, yog nwg tugkheej lossis nwg tsev tuabneeg ibtug ho taag simneej, pawgntseeg yuav nrug nwg leg lub nteeg yog tsev xyomcuab txaussab koj lawvle tsaab Kaabke Tswj Nteeg Plujtuag nuav, tabsis pawgntseeg yuav tsi paab nyajtxag, tabsis yuav nquahu cov tswvcuab paab nyaj tshaavntuj lawvle suavdlawg paab tau. Yog tsev xyomcuab xaav kuas pawgntseeg paab dlejnum, Rooj Txwjlaug yuavtau nrug tsev xyomcuab saablaaj txug dlejnum ntawm lub nteeg.